

¡BOMBA!

Las giras presidenciales son de continuo escuchar a quiénes hay que pagar y problemas ejidales



K'uintsil

Lunes 23 de junio de 2025

CAMPECHE · YUCATÁN · QUINTANA ROO · AÑO 10 · NÚMERO 2504 · www.lajornadamaya.mx

Trump ku ya'alike' yaan u yóol ti'al ka k'e'exek iraní régimen, ti'al ma' u nojochba'altal ba'ateltáambal



Ap / p.28
Oochel Reuters

Jala'ach Donald Trump tu beetaj u p'aatal ich sajbe'entsil ba'ax ku taal u k'iin yéetel u meyajil jala'ach Irán le domingo máanika' úuchik u yantal jump'éeel ataque yóok'ol óoxp'éeel nuclear kúuchilo'ob te'el noj lu'umo', ts'ooke' lelo' miin kúulpach binik ti' ba'ax ku k'aata'al ka'ach tumen u jala'achil meyaj ti'al ka ch'aajolta'ak tsikbalo'ob ikil u kaxta'al ma' u maas piimtal le ba'atelilo'.

"Políticamentee' ma' uts u k'aabéetkunsal u t'aanil 'Cambio

de Régimen', ba'ale' wa iraní jala'ach ma' táan u béeytal U KA' NUUJKÍINSIKO'OB IRÁN TUKA'ATÉENE', ba'axten ma' táan u yantal k'eex te'el régimeno', tu ts'íibtaj Trump ti' redes sociales.

Ts'iibe' tu beetaj Truth Sociale' tu jelbesaj ba'ax úuch tu tse'ekil prensa u secretarioil Defensa, Pete Hegseth le domingo máaniko', tu'ux tu tsikbaltaj ba'ax úuch te'el bombardeo'.

"Misióné' ma' ti'al ka'ach ka' k'e'exek régimeni'", tu ya'alaj Hegseth.

Ba'ax u saasilkúunsmaaj Washingtone', u k'aat ka je'elsa'ak je'el xa'akaj meyaj ku beetik ti'al ka yanak nuclear ts'oono'ob. U jecretarioil Estado, Marco Rubio, tu ya'alaj nu'ukbesaj "Sunday Morning Futures" ku máansa'al Fox Newse', je'el ba'axak represalia bin ka yanak tu táan Estados Unidose' wa kex ka óota'ak beetbil nuclear

ts'oone' "yaan u beetik u p'aatal ich sajbe'entsil le régimeno'".

Ba'ale', yóok'ol kaabe' ma' u yojel ba'ax kun úuchul ti'al ka je'ets'el wa yaan u yantal ba'ateltáambal wa ku kaxtika'al bix u yantal jets' óolal. Le ba'ax tu ya'alaj Trumpe' úuch ka'alikil Estados Unidos ts'o'ok u k'aatik ti' Irán ma' u núuk yéetel wa'awak' ba'al ti' nuclear nu'ukbesaj ts'o'ok u máan k'iin káajak u beetik.